



Привремена заједничка комисија оба дома
Парламентарне Скупштине Босне и
Херцеговине за спровођење процедуре за
именовање два члана Канцеларије за
разматрање жалби и чланова филијала у
Бањалуци и Мостару

Privremena zajednička komisija oba doma
Parlamentarne skupštine Bosne i Hercego-
vine za provođenje procedure za imenovan-
je dva člana Ureda za razmatranje žalbi i
članova filijala u Banjoj Luci i Mostaru

Privremeno zajedničko povjerenstvo
obaju domova Parlamentarne skupštine
Bosne i Hercegovine za provođenje proce-
dure imenovanja dva člana Ureda za razma-
tranje žalbi i članova podružnica u Banjoj
Luci i Mostaru

Broj:01,02-50-14-470,2/15
Sarajevo 19.5.2015.

Na osnovu člana 93. Zakona o javnim nabavkama („Službeni glasnik BiH“, broj 39/14) i člana 9. Poslovnika o radu Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva člana Ureda za razmatranje žalbi i članova filijala u Banja Luci i Mostaru, Privremena zajednička komisija objavljuje

JAVNI KONKURS ZA PROVOĐENJE PROCEDURE ZA IMENOVANJE DVA ČLANA UREDA ZA RAZMATRANJE ŽALBI I ČLANOVA FILIJALA U BANJA LUCI I MOSTARU

Ured za razmatranje žalbi je samostalna, nezavisna institucija sa statusom pravnog lica, sa sjedištem u Sarajevu. Ured za razmatranje žalbi rješava po žalbama u postupcima javne nabavke. Članovi Ureda za razmatranje žalbi su u izvršavanju svoje funkcije nezavisni, jednaki i vezani isključivo za Ustav BiH i zakone u Bosni i Hercegovini.

Članove Ureda za razmatranje žalbi imenuje Parlamentarna skupština BiH u skladu sa Zakonom o javnim nabavkama („Službeni glasnik BiH“, broj 39/14).

Ured za razmatranje žalbi u Sarajevu ima sedam članova, od čega po dva iz konstitutivnih naroda u Bosni i Hercegovini, jednog iz reda ostalih, pri čemu su dva člana iz Republike Srpske, četiri člana iz Federacije BiH, a jedan iz reda ostalih alternativno se bira iz jednog ili drugog entiteta. U Uredu za razmatranje žalbi u Sarajevu upražnjena su dva mjesta - jedno je član Ureda iz konstitutivnih naroda u BiH iz Republike Srpske i to priznati stručnjak upravnog prava i/ili upravnog postupka, a drugo je član Ureda iz reda ostalih, koji je stručnjak u oblasti izvođenja radova, javnih nabavki, transporta i strateškog poslovnog upravljanja, koji se alternativno bira iz jednog ili drugog entiteta.

Ured za razmatranje žalbi ima dvije filijale, sa sjedištem u Banjoj Luci i Mostaru. Filijale u Banjoj Luci i Mostaru imaju po pet članova, od kojih su tri člana priznati stručnjaci upravnog

prava i/ili upravnog postupka, a dva člana su stručnjaci u oblasti izvođenja radova, javnih nabavki, transporta i strateškog poslovnog upravljanja.

U filijalama u Banjoj Luci i Mostaru upražnjeno je ukupno 10 mjesta, po pet u svakoj filijali.

U skladu s članom 93. stav (11) Zakona o javnim nabavkama („Službeni glasnik BiH“, broj 39/14), mandat članova Ureda za razmatranje žalbi u Mostaru i Banjoj Luci traje pet godina. Mandat članova Ureda za razmatranje žalbi u Sarajevu koji budu imenovani traje do isteka mandata preostalih članova Ureda za razmatranje žalbi u Sarajevu (mandat članova Ureda za razmatranje žalbi u Sarajevu počeo je 24.6.2014. i traje do 24.6.2019.).

Kandidati koji konkuriraju za pozicije jednog člana Ureda za razmatranje žalbi u Sarajevu i članova filijala u Banjoj Luci i Mostaru moraju ispunjavati opće i posebne uslove.

Opći uslovi za sve kandidate:

- da je stariji od 18 godina;
- da je državljanin Bosne i Hercegovine;
- da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere, u periodu od tri godine prije dana objavljivanja upražnjene pozicije;
- da nije obuhvaćen odredbom člana IX. stav 1. Ustava BiH.

Posebni uslovi za kandidate koji konkuriraju na pozicije člana Ureda za razmatranje žalbi a stručnjaci su upravnog prava i/ili upravnog postupka:

- visoka stručna sprema- završen pravni fakultet;
- položen pravosudni ispit;
- pet godina radnog iskustva, od čega najmanje dvije godine u oblasti upravnog prava ili upravnog postupka, ili javnih nabavki;
- stručna znanja iz oblasti javnih nabavki, poznavanje oblasti koje su u uskoj vezi s javnim nabavkama, kao što su konkurencija, javni prihodi, direktive EU kojima se reguliraju javne nabavke.

Broj izvršilaca: sedam

- jedan u Uredu za razmatranje žalbi u Sarajevu;
- tri u Filijali Ureda za razmatranje žalbi u Banjoj Luci;
- tri u Filijali u Uredu za razmatranje žalbi u Mostaru.

Posebni uslovi za kandidate koji konkuriraju na pozicije člana Ureda za razmatranje žalbi a stručnjaci su iz oblasti izvođenja radova, javnih nabavki, transporta i strateškog poslovnog upravljanja:

- visoka stručna sprema - VII. stepen ili visoko obrazovanje koje se vrednuje s najmanje 240 ostvarenih ECTS bodova Bolonjskog sistema studiranja, pravni, ekonomski, arhitektonski, građevinski, elektrotehnički, mašinski, geodetski i saobraćajni fakultet;
- pet godina radnog iskustva nakon sticanja fakultetske diplome u oblasti izvođenja radova, javnih nabavki, transporta i strateškog poslovnog upravljanja;

- stručna znanja iz oblasti javnih nabavki, poznavanje oblasti koje su u uskoj vezi s javnim nabavkama, kao što su konkurencija, javni prihodi, direktive EU kojima se reguliraju javne nabavke;

Broj izvršilaca: pet

- jedan u Uredu za razmatranje žalbi u Sarajevu;
- dva u Filijali Ureda za razmatranje žalbi u Banjoj Luci;
- dva u Filijali Ureda za razmatranje žalbi u Mostaru.

Potrebni dokumenti za sve kandidate:

- 1) radna biografija (CV) s adresom i brojem telefona;
- 2) ovjerena kopija fakultetske diplome (nostificirana diploma ako fakultet nije završen u Bosni i Hercegovini ili je diploma stečena u nekoj drugoj državi nakon 6.4.1992.), odnosno za kandidate koji su visoko obrazovanje stekli po Bolonjskom procesu uz fakultetsku diplomu (dodatak diplomi);
- 3) uvjerenje o položenom pravosudnom ispitu (samo za poziciju člana Ureda za razmatranje žalbi između stručnjaka upravnog prava i/ili upravnog postupka);
- 4) uvjerenje o državljanstvu Bosne i Hercegovine, ne starije od šest mjeseci;
- 5) dokaz o traženom radnom iskustvu u struci, izdat od relevantne institucije;
- 6) ovjerena izjava da nije obuhvaćen odredbom člana IX. stav I. Ustava BiH.

Traženi dokumenti moraju biti originali ili ovjerene kopije, a izjave ovjerene kod nadležnog organa, s tim da predati dokumenti ne podliježu vraćanju.

Zabrana diskriminacije: Nijedna prijava ne može biti izuzeta iz razmatranja isključivo po osnovu kandidatovog spola, rase, boje kože, jezika, vjeroispovijesti, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugog statusa.

Nakon provedenog Javnog konkursa, kandidati koji budu ispunjavali uslove Javnog konkursa bit će pozvani na intervju. Cilj intervjua je da se utvrdi stručnost i osposobljenost kandidata za obavljanje poslova te krajnja i ukupna ocjena kandidata.

Po završetku izborne procedure, prije preuzimanja dužnosti, primljeni kandidati dostavit će ljekarsko uvjerenje o tome da su zdravstveno sposobni za obavljanje navedenog posla, ne starije od 30 dana. Također će dostaviti dokaz da protiv njih nije pokrenut krivični postupak za krivično djelo za koje je predviđena kazna zatvora tri i više godina, izdat od nadležnog suda (ne stariji od tri mjeseca).

Napomena: Kandidati koji budu konkurirali na više pozicija za člana Ureda za žalbe (Sarajevo, Mostar i Banja Luka) mogu dostaviti samo jedan primjerak dokumentacije i tom prilikom treba da naglase na koje pozicije su konkurirali.

Javni konkurs objavljuje se u "Službenom glasniku BiH", "Službenom glasniku Brčko Distrikta BiH" i na veb-stranici Parlamentarne skupštine BiH www.parlament.ba., a u dnevnim listovima „Oslobođenje“, „Press“ i „Večernji list“ bit će objavljeno obavještenje o javnom konkursu.

Prijavu na javni konkurs s traženom dokumentacijom treba dostaviti najkasnije 15 dana od dana objavljivanja u "Službenom glasniku BiH", od kada će se računati i rokovi. Prijava s dokumentacijom dostavlja se poštom, preporučeno, na adresu:

Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje dva člana Ureda za razmatranje žalbi i članova filijala u Banjoj Luci i Mostaru

**„JAVNI KONKURS
ZA IMENOVANJE DVA ČLANA UREDA ZA RAZMATRANJE ŽALBI I ČLANOVA
FILIJALA U BANJOJ LUCI I MOSTARU- NE OTVARATI“**

71 000 Sarajevo, Trg Bosne i Hercegovine br. 1

Napomena: Neblagovremene, nepotpune i neuredne prijave neće biti razmatrane.